

PETRVS AL-
DOBRA NDINVS
FLORENTINVS SYL-
VESTRI IVRE-
CONS.
F.

De interpretatione Clariss. Iureconf. Ludo-
uici Cati ad l. j. C. de edendo. aduersus Ma-
rium Arcadem Narniensem.

VIRTVTE DVCE



COMITE FORTVNA.

APVD SEB. GRYPHIVM
LVGDVNI,
1543.

1974
Pm 1
Pm 2
Pm 3

AMPLISSIMO ET

REVERENDO PATRI D.

Nicolao Ardinghelo Florentino, Episcopo
Forosemproniensi, ac S. D. N.

Datario, Petrus Aldo-
brandinus Sylvestri
Iureconf. F.

SAL.



PLVRIMIS maximis'que de causis,
Amplissime praesul, primos hosce ingenij
mei fructus deberi tibi intelligo. Primum:
quoniam cum summis ingenij luminibus,
magnarum'que artium scientia praeditus
fulgeas, eos qui aliquam sibi tecum cojunctionem esse uo-
luerunt, perpetuo illo tuo dignitatis atque amplitudinis
splendore illustrari cognoscebam. Deinde quod cum sin-
gularis illa tua doctrina suam iandiu maturitatem adeptam
sit, hos meos nondum maturos fructus, quibus indui inge-
niū meum citius fortasse quam oportuerat, summa in prae-
clarissimū praecceptorem pietas coegit, si in tuam tutelam
peruenissent, facilius ab inuidiae uentis tutos fore confide-
bam. Praeterea cum per sacra baptismatis lustrico die mihi
pater extiteris, eos fructus propè tuo iure à me repetere
posse uidebaris. Postremò qui, cum Amplissimus ac Re-
uerendissimus Cardinalis Rauennas superioribus annis, ut
parentis mei pietati, fidei, ac meritis, & egregiae suae in
nos omnes uoluntati aliqua ex parte satisfaceret, sacerdo-
tio me donasset, quò facilius ex illis suis angustijs nostram
hanc tenuitatem sustentaret, cumq; summa ui aduersario-
rum non de spe solum, sed de certa iam re deturbarer, tu

A 2 solus

PETRVS AL-

DOBRANDINVS

MARIO ARCADI

NARNIENSI

SAL.

*



VM mihi superioribus diebus quaedam tua aduersus omnium doctorum sententias, uel potius contra opinionem lectissimi uiri, praeclarissimiq; Iureconsulti Ludouici Cati praecceptoris mei interpretatio ad l. primam C. de Eden. allata esset, eamq; diligentissime perlegissem, incredibile est quanta confestim animi uoluptate, quantoq; pariter dolore fuerim affectus. Non mediocrem mihi laetitiam attulit, in hac nostra aetate aliquos reperiri posse, qui ita se literis abdidissent, ut aliquid ad communem afferre fructum ualerent. Illud tamen meam hanc animi uoluptatem longè auxit, quòd uideo tanta ingenij gloria adolescentes caeteris antecellere, ut si his senectutis fores fata ingredi permittant, nò dubitem, eos nominis sui memoriam cum omni maiorum nostrorum laude adaequaturos: nullisq; angustioribus spatijs, cancellis'que, quam orbis terrarum finibus eorum famam esse circumscripturos. Contra autem uehementer angebar, te modestum alioqui & moderatum iuuenem, tali ingenio praeditum, ea facundia praestantem, tot tantis'que ingenij dotibus ornatum, in explicanda illa tua sententia ea abusum esse libertate. Uehementius autem me sollicitum habebat, te in maio-